



www.BibleForChildren.org

Génesis 1



Iji taningai uje Dupade pésu
cuchade iji taningai enga
pésu jnumi, gaté ore
jnese.



Mu iji taningai nanique enga
jnumipis uje cáma Dupade pésu
cuchárique. Mu que pimo jnumi
gotique uje yodi irágu erámi gu.
Enga judúguejna jnumi enga
que pimo cuchárique
gotique. Mu Dupade
Ujopié Espíritu Santo
chicai yui, chicai yui
ujetiga pésu.




Quigade enga Dupade narare enga chojninga:
"¡Dírecaringuéi á, be guesi!" Ga doi guesi. Dupade
chīcare 'diri' aja dírecaringuéi; jé basa ga chīcare 'dejai'
taja dejai uje judúguejna. Enga Dupade imaningone u
udojo iji dire
chojmarai
nanique.



Quigade enga Dupade narare enga chojninga: "Yodi á, ajuque ua enga bapeque uñeque chicáji gaté; jé uñeque chicáji jnumi. Yigaidi tu gu ujetiga yodode cāra dajogadode ome ñane." Enga jé u uje Dupade uruode tocade. Enga Dupade chīcare 'gaté' aja gatajnoquei yuminóri. Enga Dupade imaningone u udojo iji dire chojmarai to. Mu yátaja ñane enga e gare dirode ome uje Dupade pésu cuchade iji tapingai nanique.



Dupade nararápo rī enga chojninga: "Yodode á, uje uacagúsoi jnumi, ajicho uáguiji ñane enga acayoi gajño cuchábedie iji erámi jnese, tiedie rī. Enga átayo uágaja ñane iji jogate chojmarárique. Yigaidi tu ujetiga cajnore jnumi enga pijoque." Enga Dupade uruode e tocade. Enga jíraque obiréjna jnumi enga cajnoripise.




Enga jnumi i tu 'jnumi' ome Dupade. Jé basa ga Dupade imatade yocco cháta raja ñane ga i tu 'yote quedéjnai' ome Dupade. Enga Dupade chajire dapesudode udore enga irasique re uje ueradipíso.



Jecute Dupade nararápo rī ga chojningame jnumi:
"Apésu ua enga uerate ua enga cucha pacade jnese
déji ua. Yojningane u jnacarade, cucha
pacade ore rī ujetiga ajñunie
cuse jnese; jé aja poridie rī
ujetiga udire sué enga
udire adie cuse jnese to."



Enga Dupade uruode e tocade. Dupade imaningone u
iji dire chojmarai to, mu yátaja dirode aja ñane ga e
gadioque uje Dupade pésu cuchade
iji taningai nanique.



Dupade pésu dírecaringué cuchábode nanique enga
gare ore. Querúpise uñai ome jōrai.

Enga uté u uje chijñate jnumi,
erámi ore gai iji dirode jnese.

Jé basa uté jōrai chijñate erámi gai iji
dejade.



Enga Dupade pésu guédodie to iji gaté enga udire chijñate erámi gai to iji dejade. Enga Dupade chimate dapesudode udore iji dire chojmarai to, mu yátaja dirode aja ñane enga e gagájni uje Dupade pésu cuchade iji taningane nanique.



Udojo quigade enga Dupade
nararápo rī enga catecāri yote
quedéjnane enga chojninga:
"Yote quedéjná, apésu
bajogonórone cucha to
jne, jé aja chugúpēre
ponáyone ujetiga ore chojí
erámone jnese." Enga
Dupade uruode udore e
tocade. Dupade chimate
chugúperone, oyídode rī iji
dire chojmarai to rī, enga
yátagoja dirode aja ñane enga
e chejna yijmanai uje Dupade
pésu cuchade iji taningapísi.




Enga Dupade nararápo rī enga chojninga: "Jnumi á, a pipesute cuchisode iji ua jnese jne. Yojningane u cuchiso parágode jnese, jé aja cuchiso sijnángone jnese to rī. Jé aja cuchiso ponáyone uñane jnese to uje que ore guichárique cuse uje quíriqué ore dique iji jnumi." Enga Dupade uruode udore e tocade enga cuchisode udore jnese e déji erámi údode jnese.



Enga Dupade e nararápo rī enga chojninga: "Cuchade e déji jnese ga yico ga yipéco yocajnúrique jnani. Enga a gajneque yoquipesudode cuchiso ponáyo jnese: oyídode, aja chugúperone, jé aja cuchiso parágode, jé aja sijnángone rī, jé aja udore ore to uje que ore guichárique cuse uje quírique ore dique iji erámi." Enga jé u uje Dupade chajire dapesudode cucha jnese enga irasique re uje ipesudode cucha ueradipíso jnese.



Enga Dupade e pésu cuchade udore iji dire chojmarai to, mu yátagoja dirode aja ñane enga e chojmára iji ti dirode uje Dupade chimate dapesudode cucha jnese iji erámi taningai nanique.



Pangarádejnai Dupade que chicha jnani bajai taja
dajutícabia bisideque nanique uje jutícabia uaté déji
puniri Edén nanique. Mu pota jeta jnani bajai chajo
jnumi tiji nanique enga chañuru guio.



Enga Dupade catecāri
jnani bajai enga
chojninga: "Yipota
jetiga agu poridie adie
iji yejnai tudé jnese. Mu
gusu pore chojmara adie
ujetiga ca agu jne.
Chamáñaje uaté u gu
ujetiga araja cucha
gajnaréngone, cucha omone
ore ome uaté jne." Enga
Dupade chojningápo rī: "Jé
ürépise yu, jetiga agu ga a
atoi jne."



Enga jé u uje Dupade chipocásu jnumi enga pésu cuchiso ponáyone jnese, jé aja chugúpěre ponáyone jnese to rī, enga jno udore údi aja dapesudi jnani bajac. Pota gu ujetiga ipesudi jnani bajaque pésu cuchade udore íode ome ore jnese nanique.



Jecute jnani bajai pésu cuchiso parágode udojo íode to nanique, jé aja chugúperenie íode to nanique, jé aja cuchiso sijnángone íode to nanique rī. Enga jé jogate ore íode jé aja dirode udojo to. Uje chimate cuchade íode udore mu que chise dátajatóraque iji ore ujade.



Jecute Pangarádejnai Dupade pésu jnani bajai uté nanique enga chisi ome móquedatéi ome nanique. Uje mopise jnani bajai enga Dupade chijnime orotabidi, mu pésapo aoi te rī iji dajnimi orotabite jogadi. Enga Pangarádejnai Dupade pésu chequé iji dajnimi uté orotabite nanique. Enga chiringare jnani uté nanique enga chisi ome derané chequé ome nanique.



Jecute ujetiga jnani pota chisa dacotéraque
enga jé noñome daté, ore iji ta, enga gusu
acotéraque ore ome ñane jeta ore nóna
ñane jne enga ore cāra dajogadode ome
ore dayode, ore datedie ore jne. E ore
gajneque ñane ga cho jetiga chojmára
óriji jnumi.



Enga Dupade chijnorapise erámi
jogosórone ore. Jecute tēra dajnacare
ugurui ome ore. Ujetiga gosi changureta
enga gajneque pucuecaringué
eyúgojmai iji deréjnane jnese.
Enga a ca chimo Dupade
ujuyaquédatéi jne
ome re.



Romáños 3:23 Chamáñaje sijnaque yoque jnese gu. Enga que toque go Dupade ingoningájnai úringárique diquiyágome yoc.

Romános 6:23 Pisijnaringuéone a cho darógode oré jne, enga oré u pitoringai ome ore. Jé basa Dupade guërate bisidei u pucuecaringué eyúgojmai ga gose Yocangarádejnai Jesucrísto adode ome uyoc.

Hebreos 9:27 Adi jé u uje yitogoi enga chojmára to. Enga quigade u uje pajiriique yocadode aja quigode enga pipesute yoquiquigode rī.

Efésios 2:8,9 Jecute adójnacho uje Dupade e chiqueta uaque gu dacaniratiguédatéi ome uacanguretigai iji uté. Enga que garani u uacadode uñeque go. Mu Dupade guërate bisideque uacáringane piquetaque ome uaque.



Que toguírase arña ujetiga ayoréique ipesutique cucha
uñequé chiborátarásaja uté gosi úringárique piquetaque.

Enga qui tu gu jetiga jé ca uñequé chosi riji gaté ga
chojningárasha ome dajoyaquéode: "Dupade chiqueta yu gu
yátegoningáne udore."

Romános 10:9,10 Jecute yocacajnaquéode quigode chósi
tome uaque: Ujetiga atata uje "Jesús u Pangarádejnai"
ome babijnani uté iji bojode ayoré edominone, enga
banguretápo rī iji báyipie uje Dupade chiringare Jesús uté
iji úringai toque, enga a báringai piquetaque jogadi u jne
ome Dupade.

U gu uje gosi changureta iji dáyipie, enga Dupade cho
ayoré ujñapetáguiji uté; enga uté gosi chatata danguretigai
uté iji dojode ayoré ore edominone, enga jé u uje pijógome
dáringai piquetaque.



Juan 3:16,17 Enga Dupade chijnorapise erámi jogosórone ore. Jecute tēra dajnacare ugurui ome ore. Ujetiga gosi changureta enga gajneque pucuecaringué eyúgojmai iji deréjnane jnese. Enga a ca chimo Dupade ujuyaquédatéi jne ome re.

Dupade que ajéode u ujetiga chiroque dajnacari aja erámi ujetiga cho dajuñame ore. Mu chirógaja erámi gu ujetiga chiqueta ore.



1 Juan 5:11-13 Enga Dupade ojningane cucha u uje Dupade chisi ome pucuecaringuei iji deréjnane ome yoque. Enga pucuecaringuei uté jõrai u Ujnacari úringai pangurete.

Jecute gosi uje Dupade Abi déji gari, enga pucuecaringuei iji deréjnane dépoji gari to r̄i. Mu ujetiga ca Dupade Abi déji gosi, enga que gajneque pucuecaringuei to uje déji Dupade Abi.

Yurusarane unojo gajnengórone u uaque uje uacanguretáyo Dupade Abi, ujetiga arajáyo to uje Dupade guerani pucuecaringué gajnengórone u uaque iji deréjnane jnese.



Génesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Ayoreo (ayo) © 2021 Ethnos360

<https://www.bible.com/en-GB/bible/2825/GEN.1.AYORE>

©2025 Bible for Children, Inc.

www.M1914.org

www.bibleforchildren.org

